

se najveća sarajevska mošeja Begova Džamija iz g. 1530, koja je poznata cijelomu islamskom svijetu. Uz džamiju se nalazi grob Gazi Husrefbega (1526—1531), poznatoga turskog vojskovođe i upravnika. Razgledanje mošeje je dopušteno; prijave kod mošejskoga slugu u dvorištu. U predvorju džamije lijepa česma za vjersko pranje (avdes). Na sjeveroistoku sučelice mošeji stoji Kuršumlija Medresa, muslimanska bogoslovska škola. Kroz Saračku ulicu stiže se na trougli trg, odakle se dolazi u Kralja Aleksandra ulicu do stare srpsko-pravoslavne crkve Sv. Arhangela iz 15 vijeka s bogatim muzejom. Malo dalje je u orijental-skom slogu sagrađena Serijatska škola s internatom. Idući dalje na istok stiže se do Gradke vijećnice, veličanstvene moderne zgrade u maursko-bizantinskom slogu. Vrijedno je pogledati unutrašnjost zgrade. Osobito je lijepo dvorište s arkadama i dvor-nice za vijećanja. Istočno od Vijećnice stoji muslimanska čitaon-ica Kiractana, a dalje prava turska kavana Bendbaša. Skre-nući desnom obalom Miljacke do drugoga mosta stiže se do Careve džamije (iz 1450 g.). Tu je sjedište Reis-ul-uleme, vr-hovnoga muslimanskog vjerskog dostojanstvenika u Jugoslaviji. Odavle Pašićevom ulicom do Kraljeva Konaka, a onda do Franjevačke crkve i zatim Franjevačkom ulicom do Banovinske tkaonice ćilima. Svakome je slobodno razgledati ovu znatnu usta-novu. Ovdje se tku i uzlaju ćilimi od materijala (vuna, angora i svila) bojadisanog stalnim bojama, a po uzoru starih i novih istočnjačkih primjeraka. Tu se izrađuju bosanski goblenski i per-zijski uzlani ćilimi, pokrovi, stolnjaci i krevetski pokrivači, ja-stuci i ćilimi za minderluke itd. Sve je to veoma tačan i odli-čan ručni rad. Radovi ove tkaonice glasoviti su u cijelom svi-jetu i nagrađeni su najvećim odlikovanjima na svjetskim izlož-bama. — Iz Banovinske tkaonice ulicom Kralja Petra stiže se do Principova mosta, gdje je od Principove ruke na Vidovdan 1914 g. poginuo austrijski nadvojvoda Franjo Ferdinand. Odavle malo dalje stoji palača srpskopravoslavnoga Metropolita i odmah do nje srpskopravoslavna Metropolijska crkva. Zanimljiva je



### *Sarajevo*

*Trgovanje  
na ulici*

*Commerce  
dans la rue*

*Handel  
auf der Gasse*

Foto D. Čeh